



Reidar Helgesen

Referanser:  
Dykkar:  
Vår: 21/10401 - 23/77402

Saksbehandlar:  
Josep Gayrbekov  
josep.gayrbekov@alver.kommune.no

Dato:  
05.10.2023

## Avvist søknad om flytebrygge - gbnr 345/54 Vikebø

|                               |                                              |
|-------------------------------|----------------------------------------------|
| <b>Administrativt vedtak.</b> | <b>Saknr:</b>                                |
| <b>Tiltakshavar:</b>          | Reidar Helgesen                              |
| <b>Ansvarleg søkjar:</b>      |                                              |
| <b>Søknadstype:</b>           | Søknad om løyve til tiltak [med ansvarsrett] |

### VEDTAK:

Med heimel i plan- og bygningslova § 21-2 jf. SAK10 § 5-4 vert søknad om flytebryggje avvist.

Når søknaden er avvist vert byggjesaka avslutta.

Dersom du søker på nytt må du leggja ved riktig søknad i tråd med regelverket sine krav til dokumentasjon.

Grunngjeving går fram av saksutgreiinga.

### Tiltak

Det vert vist til endringssøknad datert 12.01.2022, med supplerings den 24.10.2022.  
Saka gjeld søknad om etablering av flytebryggje.


### VURDERING:

Kommunen har kontrollert søknaden og finn at den ikkje er fullstendig. Dette gjeld mellom anna følgjande:

- 1) Avviket mellom den først omsøkte flytebryggja i 2018 og flytebryggja det søkjast om i endringssøknaden er for stort til at det kan handsamast som ein endringssøknad. Den godkjente flytebryggja var 16 meter lang med 4 båtplassar, mens den omsøkte er på over 40 meter med 8 båtplassar. Den omsøkte flytebryggja har også endra plassering.

Saken avsluttast med dette. Skal tiltakshavar søkje på nytt, må det sendast ein ny,

komplett byggjesøknad, saman med søknad om dispensasjon frå plankravet. Søknaden bør i så fall vere i samsvar med den opphavlege flytebyggja:



Det visast ellers til vår vurdering i mangelbrev av 06.09.2022.

### **Regelverk**

Søknad om tiltak etter pbl må vere komplett før kommunen kan handsame den, jf. byggesaksforskrifta (SAK) § 5-4, jf. pbl § 21-4. Søknad om tiltak må vere tilstrekkeleg opplyst før kommunen kan handsame den, jf. SAK § 5-4, jf. pbl §§ 21-2, jf. 21-4.

### **Mynde**

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

### **Klage**

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

**Ved all vidare kontakt i denne saka, ver venleg og referer til saknr.: 21/10401**

Med vennleg helsing  
Alver kommune, Plan og byggesak

Are Frøysland Grande  
Avdelingsleiar

Josep Gayrbekov  
Rådgjevar

*Dette dokumentet er elektronisk godkjent og har difor ingen signatur.*

**Mottakarar:**

Reidar Helgesen